

摸魚子

賦白蓮至元廿二年乙酉九月重九后
三日雨中作

澹亭亭影搖溪水芳心知為誰吐玉華寶供年年事
消得一天清露私自語君不見仙家玉井無今古淡
粧誰妬儘千頃昆明紅幢翠蓋雲錦爛秋浦瓊綃
襪自有凌波故步賞心莫遺遲暮風清月冷無人見
零亂碧煙脩渚聞好去待醉浥秋香不羨風標鷺遠
遊重賦擬太一真仙共浮滄海一葉任掀舉

二

送雷彥正西還時授恩州倅

望都門滿山晴雪忽忽君又西去當時漢將征西幕

氣壓瘴江烟雨還自許儘虎穴雄探萬里班超舉燕
臺再遇甚牢落高情霜風偃薄似厭貂裘土絃歌
事正尔邯鄲故步功名從此軒翥一麾回首甘陵樹
千室正歌來暮須記取拊摩外催科未礙陽城古征
鞍莫駐趨渭北春天升堂拜慰捧檄為親舞

奪錦標

君卿宣慰來別索鄙作驢行賦樂府奪
錦標為贈庶酒酣相憶倚聲歌之六朝
老樹不無動色也

六郡雄藩會稽旁帶兩浙風煙如昔碧草莫傷春浦
冠蓋東南幾多行客正新亭父老望雲霓苦思休息
道朝家雨露同春問甚江南江北賀監歸舟逸興

何似雙旌儘慰元郎行色鏡水綠通朱閣威暢思宣
海波春寂笑東山老去此心初非泉石約海樓翡翠
同遊醉裏山陰陳迹

喜遷鶯

祁陽官舍
早春聞鶯

五更殘夢聽綠牕鶯語羅衾香擁百轉多情嬌啼無
淚枕上一聲時送真成翠鬢雙筩當戶玉琴初弄欲
誰共趁風和求友喬林煙蓊春動花氣重暗度垂
楊暖入醲醲洞倦客芳悰佳人幽思愁滿彩牋金鳳
自怜比來心事兩翅果誰搏控聽指縱望高城落日
黃塵飛鞚

二

題
聖佑廟

仙姓郝氏博陵縣會渴里人里去泥

水甚通水多蘋蘩蘭茝仙年方笄姿
態殊麗嘗同女郎輩採蘋溪中樂而
忘返一日歛蒼煙盛起白晝異色龍
淵鮫室金支光爛飄飄然有波神汜
流而上衆姝驚散仙獨留不去遙見
與神顧語乘碧茵同逝俄煙開日晶
遂失所在其母哀求水濱願言一見
良久覺異香襲人仙霧鬢風馭隱約
於波渚間若有以謝曰見以靈契託
跡綃宮陰主是水塵緣已斷毋庸悲
悵今而後使鄉梓田蚕歲宜有感而
通乃為吾驗時魏青龍二年也後人

相與館仙於博陵城臺制甚宏麗縣
教諭李曜告余如此今燕趙間冷窳
日香火趨祀者所至風動以孝感聖
姑稱云至元庚辰夏四月按部至縣
喜其事甚異為民禱蚕祠下以仙呂
命曲庶為迎送神辭俾邦人歲時歌
以祀焉

汀洲蘋滿記翠籠采采相將隣媛蒼渚煙生金支光
瀾人在霧綃鮫館小鬟頰成雲散羅襪凌波不見翠
鸞遠但清溪如鏡野花留靨情曉驚變現身後神
功綠滿吳蠶蠶漢女菱歌湘妃瑤瑟春動倚雲層殿
彤車載花一色醉盡碧桃清燕故山晚嘆流年一笑

人間飛電

三

己丑秋八月廿六日雨中飲賈方叔家
樂藉劉氏歌以侑觴衆賓欣然為之賞
音劉因求樂府於予遂賦此且道坐客

醉語

秋懷誰寫聽一聲金縷同傾芳酒嬌囀林鶯圓累珠
串春在碧羅雲袖宮中磬簧齊發字外五音何瀏坐
間友道江南風月此聲無有回首傷離久三疊陽
關不到青：柳得意石州片帆雲影翻動海山明秀
風流故家未減自咲杜陵衰叟再相邁卷中人正好
崔徽消瘦

感皇恩

贈李士觀諱儀霸州人予廿時鹿庵先生門同舍郎也性端方嘗為刑司經歷官好學不倦與人交有終始

回首山林遊山陰陳迹洒落襟期記疇昔論文把酒醉盡清泉白石幾年江海上空相憶 邂逅淇南羈愁都釋兩鬢怜君更如漆幽懷重叙不待小槽紅滴新詩隨咳唾瓊珠濕

二

贈元舜舉嘗為宋文鄉屯田官以善歌聞天下祁州人與參政揚西庵為通家今夕是何年故人相遇快著銀杯瀉春露高陽舊友

要聽一聲金縷行雲留不去驚如許 鳳喙微吟珠繩低度夜半銀蟬恍私語庭花零亂掩盡六朝瓊樹明朝南浦道傷平楚

三

題沙河南聖頭壁留別元舜舉

濃綠漲千林征鞍東去十日祁陽為君任幾回清唱飛盡海棠紅雨人生當適意何良苦 簿領 堂風沙長路贏得佳人怨遲暮沙頭酒盡猶惜玉鞭輕舉一聲、不斬歌金縷

四

齊下晉州臥病中謝故人相訪

暮下晉州城茫然心曲臥對風軒數竿竹暑光不受似我腰圍東病機還自恃非寒燠 力仕難任居閑

不足風雨憂愁更相促星：鬢影中有利名千斛省
來都外物真蠻觸

五

史公總帥子明命題其弟秉明所寫平
江捕魚圖乃以樂府感皇恩歌之古人
稱文章與畫同一閨紐所媿辭意恐不
稱於畫也

疊嶂際清江楓林輝映潮落波平鏡光靜六朝興廢
都付漁郎煙艇蕙蘼香正美秋風冷 嘉鼓歸來風
雲增勝夢裏無煩想幽景風流公子寫出五湖高興
畫中還領取江山景

六

至元十七年八月八日為通議西溪兄
壽三十年前西溪授館蘇門趙侯南衙
予始相識時初夏桐陰滿庭故有南衙
清畫之句

少日竹林遊鳳麟飛走一段江山最英秀南衙傾蓋
滿院桐陰清畫鬢華 此際渾依舊 雲夢心曾天
章山斗好个經綸玉堂手婆婆桂影涼入露槃仙耐
一杯先領取喬松壽

七

昔向長年老教斷家事無令子孫閑白
時人高之今總帥公以鴻名茂績照映
一世未老得請於朝亦慕子平為人畫

以內務付之諸郎其賢於人遠甚某喜
聞而樂道之為賦此以歌其盛德云
節序四時間切成還退此事君侯與心會幽亭高臥
眼冷畫堂金翠越粒都付與諸郎輩 虎帳籌邊錦
鞵歌凱慘淡風雲夢江海大招掛壁小隱一枝松蓋
清閑人道勝中書拜

八

送子初中丞赴燕時予在真定憲司坐
間作勸子初酒

燈火夜闌珊故人相對忘盡南牕引書睡情談疊疊
時帶少年風味門前霜月爛停吟轡 湖海相望金
闌交契白髮中年能幾會明朝趙抃又是搖搖風旆

一杯還到手休辭醉

九

夏日同延陵君適簽事順之心遠堂以
感晝恩歌

書葉散芸香牙籤無數案上藜羹當膏乳地偏心遠
日與聖賢晤語市聲飛不到橫披處 一炷龍涎滿
甌春露旋掃幽軒約賓住清談有味總是故家風度
子雲亭戶好龍津路

十

廣平道中寄
總管齊端甫

風雨暗公堂故人晤對邂逅燕城又三載偶因官事
喜向廣平重會照人光彩好心期在 萬里功名半
生湖海十五年鬢顏改笑談尊俎比老幾回傾蓋

秋風橫漂上期相待

十一

癸未重午日治頭回轡得感皇恩一闋
他時倚聲歌之不能無相憶之情也示
秀才鄭彥通

流水小橋橫治頭沙路一道清陰轉林塢滿襟涼潤
猶是夜來新雨幽禽快客至如晤語 坐蔭辛夷開
揮吟麈澤畔行歌恐良苦人生適意正要時情容與
却吟身處世初無補

十二

乙酉歲八月九日晚積雨開霽碧空如
洗月色入戶似與幽人約者遂披衣步

月於庭中久之覺風露凜然恍疑去青
冥無幾也因以感皇恩歌之且寓幽懷
之梗槩云

佳節近中秋秋霖晴快飛淨殘雲碧空大金波穆穆
掩盡玉繩光彩坐來風露冷青冥外 世運難前儒
冠何賴四壁相如到沽賣紛紛過眼多少時情物態
杳然清夢去桴滄海

十三

與客讀辛殿
撰樂府全集

幽思耿秋堂芸香風度客至忘言孰賓主一篇雅唱
似與朱絃細語恍疑南澗坐揮談麈 霽月光風竹
君梅侶中有新亭淚如雨力扶王略志在中原一舉
丈夫心事了驚千古

十四 贈提刑曹仲明

把酒愛髯鄉故家風度不為臨江老能賦飽語世事
成敗見來無數歲月如流睽離良苦

更著佳人怨遲暮羈愁頓解一笑團圓見女慙
勲君記取周郎語

十五 登接即事

斜日倚高樓亂峯圍繞山色湖光翠如掃天涯倦客
日斷野煙高鳥老境駸駸憂心悄悄也待癡頑事須
了故園三徑已是菊荒松老諸君應有語歸來好

十六

辛卯年秋八月與周宰遊王氏祠堂
日日午餐餘即須幽討杖屨長行覓周老三杯兩瓊

不致玉山傾倒與君何處去乾岡好松影閑庭長
吟藉草白髮多來故人少春山何在兩樹寒梅枯槁
一聲鄰笛起催歸早

十七

史總管誠明伯還浚州老懷凄然有不
能已者賦感皇恩歌以送之

十里走微車笑余游宦老馬為駒望英眇客懷相慰
時對凌煙生面浩歌雖慷慨南山紫公子翩翩沉
酣經傳不是當年閉門行揚花歸路肯逐東風流轉
且遮西日去長安遠

十八 壽表第
韓雲卿

臨事羨君材笑余拙宦待詔雲龍更英眇夢回孤枕

依舊新豐旅喫明時無寸補空留戀 綠泛蓮波望
高霄漢洒洒元康濟時彥諸公延譽莫為驥淹臺院
百年安健裏千千算

十九

壽左司吳君
章母夫人

曉色靜簾櫳婺光千丈香滿含真泛春釀洛花呈瑞
照眼一枝先放要將金屑粉粧仙伏 月榭焚香松
陰扶杖好箇人間壽星樣爛斑舞袖輝映鳳池春浪
年年稱慶日長無恙

三月十二日時庭下有壯
丹兩闌內一花獨先開

二十

壽董野莊

健美玉堂仙中朝元老過眼浮華任紛擾百年心事
愛煞野莊春好南枝誰道是調羹了 風月吟懷冰
霜節操千尺青松儘難槁春宮調護好箇當年商皓

日邊消息近中書考

秋澗先生大全文集卷第七十五

秋澗先生大全文集卷第七十六

玉漏遲

答南樂令周幹臣集篇

竹林幽思杳栖遲自嘆離群孤鳥萬里雲翔海樹去
相依遠隣笛一聲喚起憶共聽朱絲雅調還自笑當
年已愧孫登清嘯情擾回首分飛悵落落相期望
高崧少會鮮離多經世又誰曾了二子况成陳迹落
月滿梁空照庭戶曉得意眼中人少二子謂西溪春山

二

越山征路杳東南澹澹長空飛鳥儂影同翻明月一
枝鳥遶共道有心避事甚未若從渠相調君莫笑南
樓苦要胡床舒嘯空擾畫裏江山總輸與風流眼
中年少也學癡兒官事幾時能了一曲驪歌未動還

秋澗先生大全文集卷第七十六

玉漏遲

答南樂令周幹臣集篇

竹林幽思杳栖遲自嘆離群孤鳥萬里雲翔海樹去
相依遠隣笛一聲喚起憶共聽朱絲雅調還自笑當
年已愧孫登清嘯情擾回首分飛悵落落相期望
高崧少會鮮離多經世又誰曾了二子况成陳迹落
月滿梁空照庭戶曉得意眼中人少二子謂西溪春山

二

越山征路杳東南澹澹長空飛鳥儂影同翻明月一
枝鳥遶共道有心避事甚未若從渠相調君莫笑南
樓苦要胡床舒嘯空擾畫裏江山總輸與風流眼
中年少也學癡兒官事幾時能了一曲驪歌未動還

夢到三山晴照江月曉莫為賞音稀少
前一篇懷舊有感曰鄰吹者為見寄樂府也朱絲
雅調者為鹿庵先生也孫登者為足下與諸君也
二子者為西溪春山而忘年友也後一闕將行即
事曰三山者福城中山也幾夢者為不肖拜命前
後九夢三至其處曰賞音不少者為彼中宋吏部
陳菊圃者甚眾故云二篇自覺語硬意允固非樂
府正體望吾子取其直書可也

三

留別其
上諸君

浙江江路杳蒼茫自嘆南飛鳥鳥故國回頭夢裏青
山吟逸手把一麾南去道不比八州常調君莫笑南
樓苦要胡床舒嘯休擾歸去扁舟若比似陶朱尚

猶年少飛沫雖殊友義回應明了擬覽九江秀色誰
淒斷閨河殘照霜月曉去去眼中人少

風入松

觀燈
開杏
花半

一枝穠艷照華堂暖蕊
春光寫生莫羨徐熙筆風
流在百子池傍點綴紅粧
玉頰簾苦粉淡宮粧靜
憐疎影伴黃昏添麝入爐
香惜花人老情緣在雲幘
晚銀燭高張細馮一杯春
露浩歌微雨東牆

三萼子

都
城

渺新秋節物客思天涯巖
桂重碧雲餘煙華縈紫禁
心事夢長沙青銅裏人未
老鬢先華鈎簾望月得
巧誰家兒女葦語空諱露
翻梧葉重河映綺樓斜傾
雲液歌金縷岸烏紗

二

登河中迎煦樓故址即唐崔微白樓也

壯河山表裏百二喉襟形勝地古猶今風雲全晉在
草木故都深淡長空孤鳥沒總消沉 東山高卧梁
甫長吟人未老鬢毛侵平生多古意落日更登臨倚
危闌窮遠目恐傷心

三

辛卯七夕時久雨未霽中以感寓為數

湛新秋風露曖曖微霄梧葉下桂香飄鵲翻銀漢水
人渡玉闌橋歡能幾虹影斷渚宮遙 人間多巧天
上無憀今古恨苦相撩菓瓜絲曲綴兒女思空饒層
軒晚香露濕可伶宵

四

悵神光奕奕天上良宵花露濕翠釵翹風回鶯扇影

愁滿紫雲軺恨相望雖一水隔三橋 朱絃寂寂心
思迢迢人未老鬢先凋翻騰驚世故機巧到鮫鮓涼
夜永蕭聲咽篆煙飄

五

隔盈盈一水歡會今霄梧葉上雨蕭蕭星沉開帳燭
雲黯渡河橋渚宮深離思苦兩無憀 金針綾細彩
舫花嬌兒女葦漫情饒巧來心愈拙絃促韻難調西
樓月銀漢影碧天遙

江城子

為張同知壽

灤江晴漾首山前玉為淵秀相連總把華英都付使
君賢梅竹堂深歌吹動香似霧酒如川 列城千里
聽鳴絃頌聲喧覺春偏爭遣翱翔猶是貳車權滿泛

一杯添壽酒懸斗印看他年

二 賦拜月圖

一枝繁杏宋牆東翠帷重捲春風留得殘粧簾月拜
玲瓏雲作鬢蟬霞作袂香霧濕玉鬟鬆閑情都付
燭華紅瑣牕中照芳容細逐行雲零亂紫金峰天外
翠鸞仙侶在城闕晚夢芙蓉

南鄉子

近聞吾子有茂陵側室之舉順命故也
且在昔賢女雖有小星惠下之行不無
鬱悒自傷之意故首章託以自怨自責
忌嫉傷善略不見也然怨不已則夫婦
道乖故釋以人子之孝嗣續為重嗚呼

商陵穆子之悲衛莊姜傷已之嘆匪歌
詩莫能宣其志此樂府之所以作也庶
幾言之者無罪聞之者少有慰焉

人物舊溫郎心事珠簾月半床笑裏玉臺重藉手誰
量折得楊枝惱孟光得鯉豈思魴老境其如伯道
傷但願維羅應汝夢稱觴趁取春風慰北堂

二

癸丑三月廿一日祭
龍祠回飲張氏草堂

喬木色蒼蒼山頂難留落日光燈影碧流深幾許浮
觴來醉張家第四場世事莫論量相對尊前兩鬢
霜富貴幾時當適意杯長問甚春星帶草堂

三

夏日同王子勉雷彥正王子初納涼西

園亭

簾影靜暮坪平野風來分外清一帶好山供望眼雲
屏落日煙霏翠滿亭 世事不須驚底用相逢話獨
醒常使玉瓶沙上酒如澆杖履時來月下傾

四 春日遊亭

溪水淨灘沙紫動林梢半是花長日馬蹄閑信步誰
家曉入南園到晚霞 時事鬧蜂衙一片閑心逐去
鴉爛醉玉瓶沙上酒生涯過眼浮雲不足跨

五

承旨董公壽登七秩康寧好德誠可慶
也取坡例以玉案香歌之

青瑣漢中郎滿袖長携玉案香記得賦詩橫樂日臨

江氣壓風濤一葦航 蓮炬晚分光諫疏回天豈有
霜七十平頭從此數稱觴潯水淵源慶未央

六

一雪靜林臯冷壓浮陽氣不驕菜甲榆椒渾不動寂
寥賺得輕黃上柳條 詩思苦相撩酒盞新來損絕
交連夜客窻寒侶水無聊誰約春風鎖綺寮

七

和幹臣樂府南鄉子南樂言懷中間更
易兩韻蓋前人用音意之例也

萬彙帝城春况是明時選用入愛殺西山周老子依
仁任運 不自論六任謾逢辰甚是榮華盡苦辛
羸得歸來兒女笑蘇秦白馬紅纓彩色新 一作潦居雖有

凱生塵日有
詩來發興新

卜筮子

辛卯九月二十三日夜夢上層欄北望
黑雲截空二龍尾足連卷下垂殊分明
也覺而賦此秋澗老人識

一抹截頭雲鬣鬣從龍發尾足連卷見半空霽色翻
蒼鬣舉手欲攀鱗散我麒麟髮天外雄風秘化機吹
落蒼煙峽

青玉案

賦紫金沙

綠陰暗盡西城樹人總道春歸去
負負柔條高幾許
絳燈閃爍翠雲縈護元有留春處
金罇未厭傾芳醕
醉墨題詩要香露胡蝶飛來何栩栩
向人有意繞欄

翻舞似約花間住

臨江仙

壽李帥使

柱石中朝黃閣相河山千古南州多君談笑覓封侯
朱輪繡皂蓋錦帶佩吳鉤滿府治聲歌五袴稍稍俊
氣橫秋今年壽席更風流青雲新甲第一笑醉金甌

二

八月一日同高仁甫李靖伯史潤之餞
伯昌東行韓明日至滑得陰疾後三日
舟載西還夕次淇門東劉家渡而歿得
年五十有九韓子出就外傳時同舍生
也哀哉

昨日舉盃親餞別六人吟嘯呵呵今朝丹旆颺城阿

一棺零落恨都付逝川波萬事轉頭真是夢兩輪來
往如梭人生百歲合如何放開眉上鎖得酒且高歌

三 送治中李公

天上雲衣無定態眼中時事休驚年來鐘鼎到書生
一麾仍出守五馬看專城千古金陵佳麗地中郎素
有先聲一江春浪暮煙平此身眠食外萬事總虛名

四 為曲山作

別墅寒梅方入夢多君來報花期野塘流水小橋西
南枝香爛熳却恨嘗音稀正有玉堂人最愛垂垂兩
鬢如絲和羹心事未應遲金樽重醉倒且莫晚風吹

蝶戀花 賦來禽歌枝

今歲尋芳春已誤一粒丹砂不到來禽樹滿意紅芳

春也妬長條簇滿珍禽羽花道無情應有素似惜金
樽一醉珠簾暮春自還來花自故人生最恨離筵苦

二

昔鹿庵顛軒樂育淇上一時秀造號稱
多士建中元己來例宦游四方僕二十
年間纔三至鄉里慨然有離索之歎今
歲投綬自濟南來歸而諸公頗集所欠
者唯王尚書子勉傳漕使士開耳因賦
樂府以見歡會之不恒聚散之有數也
至於義安分定辭兼六客倚聲者當自
知之恐酒酣耳熱後不無倒冠落佩之
適也

淇水當年麟鳳渚回首飛翔落落風雲舉三疊陽關
回首處渭城柳色朝來雨今夕何年天所與白髮歸
一來笑同歌舞醉裏相將尋杖屨苕溪風月無今古

三

綠暗蘭皋春雨暮露挹風吹馥馥香如霧一曲清歌
花解語落紅羞滿沙頭路錦瑟華年誰與度夜月珠
簾腸斷春風句我自興來聊一顧醉魂不到凌波步

四 和曲山韻因為贈之

經世此心誰盡了欲盡麒麟功業何由到白髮滿頭
青鏡曉花開花落人空老適意杯盤從草草甘坐清
貧方駕郊和島最愛新詩情致好篇篇直壓元郎倒

太常引 送王嘉父

去年鞍馬客南鄘奈別若忽忽今歲又相逢喜客舍
青樽屢同仲宣樓上杜陵幕下着處話途窮好去漢
元龍道休着青春負公

二 壽龐咨議

髯郎風度幕中蓮已師範使君賢驪足快騰騫道好
箇龐家士元滄浪高興寒花晚節秋色滿淇園一盞
願遐年要都釀君家百泉

三 壽劉同知

太行晴色泛簾鉤對書史日優游賓從儘風流誰健
似東陵故侯人間萬事塵埃野馬一笑付紋楸眉宇
壽光浮拚醉過黃花暮秋

四 周都運生朝時添壽王村

量蟠英偉氣和愉道滄海得遺珠忠義與心俱見漕
府歸來轉輸山呈霽色杯添野水春滿野人廬鄭重
萬金軀要羽翼當年漢儲

五 為王同知壽

雍容詩禮冠時髦都忘却貴人嬌橫槩見英標道勇
侶當年嫖姚默含萬動德尊一府歌壽聽民謠綠髮
映金貂儘千尺青松後凋

六 為万奴總管

重於山岳藹如蘭喜一旦得同官裁鑑笑談間道不
似當年將壇一年好處中秋節近涼露洗金盤丹桂
月中看儘耐得人間歲寒

七

奉寄參政李侯仲實自北京行省改授
安西王相人來徵詩於予因作此奉寄
時屯田涇陽規畫財賦

北平移鎮入咸秦說睿眷更情親下手見經綸道好
箇中原老臣萬屯曉月一鞭農事涇水畫中春陸海
儘藏珍侶只欠侯封富民

八

春風碧水靜林丘對書史日優游來往更風流問誰
侶東陵故侯黃陂襟度曲江譽望山立看揚休春釀
儘禁籟折醉盡蟠桃上秋

九 送段信卿赴河東憲司經歷

北來孤斲鬱蒼顏聽時事立談間秋隼正騰翻莫便

倚霜空陡寒太行秋色汾川鴈影極目送歸鞍簿領
憲司閑道好箇河東幕官

十 壽陶珉溪

南枝梅信點冰斫覺初度得春偏人物鱸堂仙看才
思渾如湧泉悠悠往古紛紛俗學輩悅繡空鮮青鬢
莫蒼然要折衷陶家講筵

鷓鴣引 為王太夫人壽

簪纒滿然自謝林一家柔範到周南以賢論母書彤
管有子能官盡孝心香露碧壽樽深歲時春輦醉花
陰從今叢慶堂前月翠竹高梧聽鳳吟

二

和周幹臣韻中統五年三月十二日夜

陪徒單文與雷彥正夜語

門外東風駐馬蹄月明庭樹綠陰稀眼中時事驚天
運醉裏游談侶口機思遠走擬高飛此心安得與時
違遺書浩蕩三千卷未分窮愁老布衣

三 韓氏別墅

竹映方臺翠滿湖煙靡荷露淨郊居棣花輝映春風
被雲錦香翻碧玉壺吟倚扶卧看書一家風景輞川
圖酒盃儘泛床頭瓮未礙門多長者車

四 謁太一宮贈王季祥

來謁齋宮又五年道人邀我坐前軒只驚前度劉郎
老不見庭松偃蓋圓人與鏡西條然呼童茶罷炷爐
煙壁間一軸煙蘿子依約風流墮眼前

五 為崇齋張惠英賦

秋水芙蓉鏡裏仙一枝明王濯煙鬟驚初解語調柔
舌柳不勝嬌拂畫欄催疊鼓按弓弯樓心依月怯清
寒人生莫惜纏頭錦能得春風幾度看

六

野粉宮牆暮雨邊洛京依舊鎖嬋娟一聲金縷閑情
處滿串驪珠訴許圓金谷月石樓煙留連光景待他
年襪塵休放凌波去更聽新翻倒玉船

七

浴鳳池邊養相材朝端先肅漢儀開九秋灑爽臨初
度千丈恩光動憲臺銷斂佩望蓬萊翠華南扈拂天
來一枝好在霜前菊留待清香薦壽盃

八 為卯律總管太夫人壽

遼海千年將相家婺星光動赤城霞回首畫戟清香
地滿意春風玉樹花金檣背紫雲車謝林風度見來
餘壽波灑宮壺暖滿泛秋光醉綠華

九

何處人間淑景新韶光都付牡丹春後庭花老空瓊
樹曲水江深見麗人金屑粉麝香裙近前細看倒芳
樽惜教赤壁磯頭月吹散春風陌上塵

十 賦鮑家黃

何處人間淑景新劉家池館鮑家春後庭花唱空瓊
樹曲水宮粧見麗人金作粉麝為塵一枝千葉擁黃
雲花工可是多情思夢逐凌波問洛神

十一

丁亥上巳日與諸君宴林氏花園李氏
以歌曲侑觴醉中懇求樂府賦鷓鴣天
以歌之李氏字蘭英樂藉之名香者也
花草離騷試品量猗猗香色紫蘭芳樂
棚擢秀名何麗楚澤含秋思更長金絃
曲紫霞觴留連光景醉銀塘竹西歌吹
歸時晚也勝楊鞭問葛強

十二 贈李蘭英

拾翠仙洲野興長樽前一曲社韋娘人
憐暖日明歌扇我愛蘭英媚國香供楚
佩笑梅粧春風著意泛崇光老懷不到
凌波夢要遣琵琶送一觴

十三 壽李靖伯母

香靜堂萱燕處温一家柔範被鄰鄰三
牲奉養真純孝八十康寧是福人巖菊
晚嶺梅春丰容林下舊精神婺光不動
雲衢爛供佛床頭景氣新

十四 贈叔說高秀英

短短羅鞋淡淡粧拂開紅袖便當場掩
翻歌扇珠成串吹落談霏玉有香由漢魏
到隋唐誰教若輩曾興亡百年總是逢
場戲柏板門鉦未易當

十五

先相風流德業尊又看天馬五花文飄
飄青鎖凝佳思靄靄新詩侶嶺雲淮海秀
已平分珪璋未礙琢來勤吳人元重中州
氣繡被何嘗擅鄂君

十六

潦倒衰翁不足尊更堪刺口論詩文經涂江浙多蘭
友照眼吳山霽霧雲傷別久惜經分臨岐一語見殷
勤萬艘未是周郎志他日經綸要使君

十七

辛卯九月二十三日靖伯仲先携酒相
過客去醺然獨坐以見酣適之意云

波蕩江湖萬里餘歸來縮首伴凡魚門從席後軒車
盛鬢自霜來宦味踈思往事注殘書閑鋤明月種秋
蔬傍人莫笑揚雄宅好事時過載酒壺

十八

閨井錐刀剝戰烘詠歸奚取舞雩風道開聖學千年
後春在先生一畝宮敦誨誘見從容絃歌不隔幔紗

紅珉溪幾點梅梢雪歲歲吹香入壽鐘

虞美人

紅顏綠鬢無長好日對菱花老頭童齒豁竟何裨只
有飢時餐飯飽時嬉因行消散昏和悶却覺筋骸困
那錢置酒馬兒騎食飲難消終日繫門墻

二

謝成耀卿簽事携酒芋相過

山瓶乳酒甘如密鴟芋堆盤赤見君相贈固多情潤
我枯腸一吸破愁城秋光湖碧西灣激不到心中憤
何時盡煮土芝香醉飽歸來肯把故山忘

一作醉後
歸時騎馬

似知
章

西江月

清明拜掃回值田家野飲有頌白者邀
余就飲因實老人之意作西江月以歌
之

社鼓驚飛梨雪村簫吹破桑芽清明野飲見田家老
叟邀余下馬勸飲一危芳酒繞看蒲樹幽花盃盤草
草樂年華不棄同來觀化

二 開步州南古堤

返照斜明雙塔亂山回繞孤城年來風物似昇平人
說三王善政世事正宜靜待田園好去躬耕雲間歸
鳥有遺聲喚起投林高興

三

大河凝冰蔽川而下與一二寮友登白

樓俯觀賦此詞以歌之

散策暫辭鳧吏倚樓來聽漁歌夕陽西下亂山多白
鳥蒼煙衝破一夜朔風吹雪白雲飛滿長河不將幽
夢付凌波意在吳郎畫舸

四 贈張子文

聯轡閑談詩雅停盃高詠晁詞山城投宿晚涼時避
返青雲公子濯錦江邊相憶鳴條山下分携秋風搖
蕩菊花期許候翩翩歸騎

五 繼張孝純韻

郢下空歌白雪琴中誰聽高山人生何用釘跡頑不
道兩盃日飯夢到釣臺老樹秋風閑煞漁竿沙鷗無
數點江干知我忘機去慢

六 壽王中丞

梅蕊暗傳春信菊枝儘傲霜威風姿元與歲寒期况
是小春天氣翠寶調羹未晚秋香添壽多宜高名吐
海舊蟠螭未似東山雅意

七 壽李彦祥

近歲憶游竹里今年來遇生朝平生洒落邑中豪邈
返風神不老賞盡山陽煙景去翻毫海雲濤太行晴
色任秋高人與黃花長好

黑漆弩遊金山寺并序

隣曲子巖伯昌嘗以黑漆弩侑酒省
郎仲先謂余曰詞雖佳曲名侶未雅
若就以江南煙雨目之何如予曰昔

東坡作念奴曲後人愛之易其名曰
酌江曰其誰曰不然仲先因請余劾
彈遂追賦游金山寺一闕倚其聲而
歌之昔漢儒家畜聲妓唐人例有音
學而今之樂府用力多而難為工縱
使有成未免筆墨勸淫為俠耳渠輩
年少氣銳淵源正學不致費日力於
此也其詞曰

蒼波萬頃孤岑矗是一片水面上天空金鰲頭滿
三盃吸盡江山濃綠蛟龍慮恐下燃犀風起浪翻如
屋任夕陽歸棹縱橫待償我平生不足

華髮一衰翁
世事眼中看
徹只為年來薄
宦負東山高
節冥冥神理到
無憑此外更何說
安得百壺春酒
掃羈愁如雪

玉樓春

冬至夜侍祭

陰消陽長從今數
除客歸來聞好語
月明滿地紫煙生
暖入刺文添繡縷
冷風肅肅生庭戶
桂酒光清搖燕俎
今冬記我致嚴時
爆竹聲中聽五鼓

秦樓月

今歲八月自哉生
明夜月色如晝及至
良夕乃多風雨所謂
獨向此時偏者詩人
不得無悵然之情也
取太白詩例賦

秦樓月一闋歌以問之
是夜月色亦佳

但微雲點綴耳

華陽閣一年心賞
中秋約中秋約九霄
風露有懷都豁桂香
和雨風吹落倚欄望
處秋煙薄秋煙薄一
樽能與素娥同酌

二

花時樂醪樽記醉
平津閣平津閣一聲
金縷滿堦紅藥小欄
此日情滿索土膏一
寸春如削春如削幾
時盼到絳燈紅燦

己丑歲春分前一日
栽培衆卉罷晚坐前
閣無以解之偶得催
閣芍藥辭秦樓月一
闋因放聲自歌浮太
白者數行實

至元二十六年三月二十一日也時夜
漏交二鼓燈下書秋澗老人題

秋澗先生大全文集卷第七十六

秋澗先生大全文集卷第七十七

樂府

行香子

乙酉歲九月二十五日過林氏西圃與
主人公洎張道士看花小酌林曰若作
數語以記其事使通俗易解甚佳既歸
不百步得樂府行香子一闕醉立斜陽
浩歌而去

秋霽遙岑何處登臨水西頭來散開心遠園細履裁
種成陰撚秋香浮酒盃入孤斟老境駸駸鄉社浮沉
醉顏酡白髮盈簪夕陽歸路聽我長吟待野梅芳多
載酒再相尋

至元二十六年三月二十一日也時夜
漏交二鼓燈下書秋澗老人題

秋澗先生大全文集卷第七十六

秋澗先生大全文集卷第七十七

樂府

行香子

乙酉歲九月二十五日過林氏西圃與
主人公洎張道士看花小酌林曰若作
數語以記其事使通俗易解甚佳既歸
不百步得樂府行香子一闕醉立斜陽
浩歌而去

秋霽遙岑何處登臨水西頭來散開心遠園細履裁
種成陰撚秋香浮酒盃入孤斟老境駸駸鄉社浮沉
醉顏酡白髮盈簪夕陽歸路聽我長吟待野梅芳多
載酒再相尋

江神子

金朝遺風冬月頭雪令僮輩團取比
明拋親好家人見之即開宴娛賓
謂之撒雪會去冬無雪今歲初白如
此燈下喜賦此詞錄奉達夫且應撒
雪故事為一觴之作也

小窻遙夜失冬嚴覺春添捲疎簾掌許冰花捲亂撲
風簷喜倒坐中兒子輩爭指似謝家盞一盃燈下醉
掀髯處窮閭寂情怏萬寵含春江上麥纖纖應笑凍
吟蘇老子楷病目認青帘

眼兒媚

賦燕子樓用幹臣繼路宣叔樂府韻

橫塘煙淡冷涵秋寂寞舊粧樓珠簾夜月露桃幽怨
總是閑愁形滿骨化情絲在此恨若為休長河解浣
佳人無那倒捲黃流

二

滿簾夜月耿霜秋雲夢黯歌樓殘燈伴曉夕陽催暮
海水添愁天涯地角相思恨誰道此生休一篇照映
唐人詩雅千古風流

三

我來吊古過悲秋徙倚夕陽樓登堂歌舞都能幾日
何限幽愁合懽沐冷孤眠若爭向死前休憑欄閑看
一雙鸚鵡對起中流

四

西風歸燕幾經秋人老水邊樓一燈孤枕滿襟清血
花也含愁前堂歌吹新聲有爭侶去來休長河若解
將殊遺恨與淚俱流

五 呈周幹臣

桑榆晚景日駸駸莫厭數相尋靜怡幽境閑談情話
與滌煩襟濟時幸有諸公在鄉社好浮沉閑雲却恐
西風吹去認做商霖

鵲橋仙 壽胡紫山

秋香懸桂光風轉蕙掩盡尋常花卉西城來往已風
流更點檢生涯次第堂名休逸策扶流憩處閑中風
味雜聲纔動已一扶頭紅日上花梢未起

二

調羹粉桂愛香種蕙自笑秋風野卉兩椽茅屋對青
山初不羨入雲高第將心自逸欲行且憩為愛清時
有味桐江波上一絲風儘容得巖光不起

三

金蓮蜜炬紫山仙侶夢寐青門瓜圃春風著處是行
窩要一笑人間今古錦箋佳句新聲金縷酒遍薔薇
清露東華待漏蒲靴霜恐輸與西城杖屨

四 和劉夢吉韵

高人非古冲襟粹字要覽德輝飛舉伊周元不是庸
人吾志在箕山巢許蘭紉有賦菊香釀黍夢斷糟床
秋雨淵明卧老埜窻風猶勝侶清談夷甫

五

沉醴往古樓遲衡宇劇有方招此舉長林豐草野麋
心是中散生平自許日邊草賦矛頭炊黍誰道閑雲
有雨周宣補袞要深功除喚起當年山甫

六

金鸞視草蒲輪應召客路人情殊好豈知野鹿飾金
鏡志却在長林豐草霜風料峭形容枯槁愁緒百端
縈繞故山歸去有茅蘆任東置長沙諫藁

七

五窮作崇百端相滯破唱一風吹碎邯鄲道上斷人
行銷錄盡元龍豪氣商顏綺季當時不起悞甚漢家
經濟書生薄相到還元要結未黃齋滋味

八

為何結先壽

調和謀斷論思機務許太茫茫疆寓當年姚宋球時
才聽沙路歸來好語皆離紅藥省連溫樹蒲貯春風
瑞露眼中庭檜鬱蒼蒼道晚節昌於韓圃

浣溪沙

壽李衛

雙鑠當年漢伏波紫微垣外侍雕戈笑騎天駟下天
河華髮雅宜麟閣畫春風先送武城歌朱顏休惜捲
金荷

二

內黃道中

風柳婆娑半畝陰西株巧與道相鄰樹頭幽鳥侶知
音馬上行人思困睡天邊赤日欲流金解鞍休惜濯
煩襟

三

送王子勉都運閣中

薊北分携已六年秋風淇上又離筵一樽情話重留
連內史調兵推漢相春潭通漕笑韋堅嶽雲拖翠上
吟鞭

四題韓氏別墅

翠竹連村映白沙小崗回抱一川斜旋開幽沼聽鳴
蛙樵客局邊驚橘樂黃塵門外任蜂衙樹頭山色晚
來佳

五客亭觀漲

老雨長河壯怒濤客亭夜久聽喧號平明西涘渺江
鼻沙尾沒來漁箔短危檣看處客帆高斜陽汀草亂
青袍

六壽周幹臣

十載相期紫禁遊一官誰想客西州春風閑倚仲宣
樓四海論交直益友一年好處是中秋壽波無惜捲
金甌

七

吳村道中在平陽府北三十里汾水西
三月十五日送客回作

綠樹連村際碧山春風吹水漲黃鸞沙汀蘊滿釣舟
閑薄宦岢嶇清議裏風煙吞吐畫圖間夕陽明處鳥
飛還

八

至元九年秋九月登秋風亭觀雨呈賦
曹叅軍周幹臣

雨勢蒼山共一雲
雨聲作氣張三軍
秋風亭下葉續
紛官事何憂嚴
限從天心不負
老農勤夜窻
孤客儘先聞

九

乙亥自壽時二孫
行一女孫
兒時
避人事在汾西
廣福院

梅點冰梢蠟蒂凝
蘭芽珠樹闌鮮明
團欒香火此時
情避世遠慚金馬
客現山人道
老人星雪邊
岩檜儘青青

十
壽湯總管

十載煙花紫禁遊
嘉謨曾補翠雲裘
歸來尤荷寵光
優畫戟清香
高北里虎符
金節照南州
壽波無惜捲

吟
甌

十一
壽王子初

六合澄清到一家
顯顯文物望中華
未容詩禮養蘭
芽松栢後凋元
有待珪璋涵潤本
無瑕
誥恩行墮五
雲花

十二

王中丞許

贈新香不至書此以催之

珍品無多百和濃
露沾婆律濕蘭叢
喜分新供到南
豐螺甲未融
金雀餅芳菲已
慶碧湘宮
寶貌先障綉
簾風

十三

六月初三日

與學官高伯祥夜話於魏府之

清潤堂

露榻風簾燭影搖故人留話慰滿條徘徊花月可憐
宵天淡有雲空漠漠月明無雨更脩脩洞天歸路踏
瓊瑤

十四

送劉仲元赴

平定州親迎

青鳥西傳燕爾期乘龍喜氣見脩眉芳標濃似去年
時禁鬻名香天盼重玉臺春暖鏡鸞棲人生樂處是
新知

十五

愛一枝香雪幾暮雨洗粧殘儘空谷幽居佳人寂寞
淚粉闌干芳姿似嫌雅淡問誰將大藥駐朱顏塞上
燕支夜紫雪邊胡蝶朝寒風流韻遠更清閑醉眼
入驚看甚底事坡仙被花熱惱惆悵東闌細傾玉瓶
春酒待月中橫笛倩雲鬢吹散碧桃千樹盡隨流水
人間

十六

穀雨日王君德昂約牡丹之會某以事
奪北來祁陽道中偶得此詞以寄

問東城春色正穀雨牡丹期想前日芳苞近來絳艷
紅爛燈枝劉郎為花情重約柳邊娃館醉吳姬羅襪

凌波微步玉盤承露低垂 春風百匝繡羅圍看到
綵雲飛甚著意追歡留連光景回首差池半春短長
亭畔湧一杯藉草對斜暉歸縱荼蘼雪在不堪姚魏
離披

十七

和國範郎中見贈嚴韻

卧孤松雲壑愛青荀四時心自絕澗幽蟠蒼煙高擁
氣壓千林冰霜幾年凌傲甚九天一日露恩深白壁
無雙國士朱絃三嘆遺音 春風草木變蒲森又復
見雄襟想直犯龍顏片言曾霽萬里重陰相逢莫驚
白首更明時幾世似于今只恐南陽壠底空懷梁甫
長吟

十五 賦箏

明盃華簪醉未霑主人聚樂見歇歇一聲銀甲裂霜
綠澗水咽冰翻隴怨將 羣出塞憶蒙恬碧桃花底玉
笙慙
紅翠叢中樣度新桃花扇影駐行雲隋唐嘉話閱來
真一片錦帆浮汴水西京花柳暗風塵彩聲曾動鳳
城春 付高唐卿

十七

雨點鳴鏡裂竹聲併隨牙板一時傳詞源都作建瓴
傾白羽揮開諸葛陣蒼濤翻動憲王陵低空知有彩
雲橫
隋末唐初與漢亡干戈此際最搶攘一時人物盡鷹

揚褒鄂有靈毛髮動曹劉無敵簡書光爭教含泣到
分香

王九

旅館燈青色睡據牀談劇作春溫
胃中雲夢入雄吞清議素高烏府
月秋霜低壓漲江雲吳山山下惜
輕分

二十

中秋雖見月桂花出沒千雲影間有不
快人意者作此詞以歌之

月色都輸此夜看人心偏處即多怪
碧雲吹恨蒲瑤天儘着冰壺涼世界
故將陰巧妬嬋娟桂香和露濕
幽彈

二十一

贈朱簿碼

滿意茗華照樂棚綠雲紅灑逐春生
捲簾一顧未慙情絲竹東山如有約
煙花南部舊知名秋風吹醒惜
離聲

二十二

為張右丞壽

補袞功深浴鳳池好賢人道侶緇衣
佩聲清響見委蛇千歲壽祺陰有積
兩宮恩曠古來稀東山歌酒樂
時熙

二十三

紙帳梅花夜色清行雲香濕墮銀
幃惜花人老若為情對酒當歌須
適意凌煙圖像是虛名千年編簡幾
人青

點絳脣

壽周幹臣

秋氣平分畫欄桂樹秋香底良辰美景拚取花前醉
彭壽添君白也詩堪擬高歌起月波如水長照金樽
裏

二 壽源郡房二尊親

露影庭萱一枝金綻釵頭鳳鬢花香供壽席光浮動
懿範閨門姻族同推重瓊盃捧二親安寵共醉玻璃
甕

三 送董彥才西上

楊柳青青玉門關外三千里秦山渭水未是消兔地
坦卧東床恐戒風雲氣功名際願君著意莫搵春閨
淚

四 癸酉夏六月五日同河中府官宴白樓

倚檻清歌一聲高過行雲住長河傾注不煞曠輪暑
燕寢清香畫棟珠簾雨天何處一樽綠醕滿眼青山
暮

五 題絳州花萼堂時大暑回自河中

一榻清風故山邂逅欣相遇綠陰池樹蕩漾瑤翻處
赤日紅塵前日中條路人良苦壯心如故快斥王陽
馭

六

後六月二十二日同府僚宴飲白雲樓
時積雨新晴川原四開青障白波非復
塵境忽治中英甫堅索鄙語酒酣耳熱
以樂府歌之

晴倚層欄飄飄醉上青鸞背飛雲崩墜萬疊銀濤碎
青障白波非復人間世人懷霽夕陽有意返照千山
外

七 為房祖母壽

婺女呈祥瑞光分自雲衢爛鳳萱金燦留待佳辰綻
林下丰容閨壺瞻儀範香縈篆玉顏如練歲歲長康
健

八 壽周幹臣

千古詩壇苦吟誰得風騷妙羨君才調一蹴無邊徼
歲歲中秋喜見朱顏好霜蟾皎一蹲傾倒萬事秋毫
小

九 為承旨唐壽卿壽

秋氣平分鬱葱都作克問喜玉堂風味磊落青雲器
醉墨烏絲綠綺傳湘水千秋歲月波如洗長照金樽
裏

十 雨中故人相過

誰惜幽居故人相過還晤語話餘聯步來看花成趣
春雨霏微吹濕閑庭戶看如霧約君少住讀了離騷
去

十一 春夜喜雨

好雨知時萬金欲買初無價種花才罷侶為芳枝下
花重宮城好箇風人稚從飄洒探花走馬明日春如
畫

十二 雨宵即事

春雨空濛晚來點綴閑庭景一牀燈影潤八琴絲冷
清夜沉沉誰慰孤懷耿雲生鼎倚窻高詠愛此春宵
永

十三 探花

春雨添花繞欄來看花開否海棠紅瘦綠葉花如豆
梨雪生香近在清明候花為友莫輕辜負預問隣家
酒

十四 喜芍藥發芽

紅藥當階朝來撥土紅芽秀畫欄晴晝凭暖佳人袖
一粒丹砂誰點仙根透從今後為渠釀酒去作花間
麩

十五 春雨後小桃

端正樓空一枝春色誰偷得夜來消息暮雨胭脂濕
倚竹佳人翠袖嬌無力頭相覓一罇休惜轉首春狼
籍

十六

己丑清明前一日春露堂即事時既雨
快晴明日書示友人主人出名酒相屬
因放歌數闋而去寶至元二十六年三
月七日也可為不虛度此節矣秋澗老
人深香閣適

春雨如膏最憐適與清明遇晚晴庭宇畫出樊川賦
冉冉行雲低拂垂楊度春如許亂花深處幾點薔薇
露

十七 西灣即事

碧玉環深一罇同醉清明後綠陰晴晝多少閑花柳
身世虛舟日月驚跳走誰豪右忘懷惟有拍泛船中
酒

平湖樂 十章

平湖雲錦碧蓮秋香泛蘭舟透一曲菱歌蒲樽酒暫
消憂人生安得長如舊醉時記得花枝仍好却羞上
老人頭

二

鑑湖秋水碧於藍心賞隨年淡柳外蘭舟莫空攬典
春衫航船一棹汾西岸人間萬事暫時放下一笑付
醺酣

三

平陽好處是汾西水秀山接翠誰道微官淡無味錦
障泥路人爭笑山翁醉西山殘照闌卿何事險忙殺
暮鴉啼

四

秋風嫋嫋白雲飛人在平湖醉雲影湖光淡無際錦
鞦韆故人遠在千山外百年心事一樽濁酒長使此
心違

五

採菱人語隔秋煙波靜如橫練入手風光莫流轉共
留連畫船一笑春風面江山信美終非吾上問何日
是歸年

六

秋風湖上水增波
水底雲陰過
憔悴湘纍莫輕和
且高歌
凌波幽夢誰驚破
佳人望斷碧雲暮
合道別後
意如何

七

綠荷相背倚西風
涼露煙霏重
翠蓋銀瓶醉時捧
使君公徑須傾倒
玻璃甕
青山城郭暮雲樓閣
高下一重重

八

安仁雙鬢已驚秋
更甚眉頭皺
一笑相逢且開口
玉為舟
新詞淡似鴉黃酒
醉歸扶路竹西歌吹
人似揚州

九

水邊楊柳綠絲垂
倒影奇峯墜
萬疊蒼山洞庭水
碧玻璃
一川煙景涵珠媚
會須滿載百壺春
酒槌鼓蕩風猗

十

黃雲罷亞捲秋風
社瓮春來重
艾老持盃十分送
使君公
秋成不侶今年痛
太平天子將何為
報萬壽與天同

十一 乙亥三月七日宴湖上賦

春風吹水漲平湖
翠擁秋千柱
兩葉蘭橈闌來去
萬人呼紅衣
出沒波深處
鰲頭遊賞浣花風
物好箇暮

春初

十二

山陰修禊說蘭亭
但覺平湖勝春服
初成靚粧瑩玉
雙靴興來徑入無何境
使君高燕年年此日歌舞樂
昇平

十三

柳邊飛蓋簇晴煙
人在平湖識碧湫
瑤翻映歌扇綺
羅筵人生幾度春風面
江山畫裏一時人物斜日重
留連

絳桃春

克廟秋社

社壇煙淡散林鴉
把酒觀多稼
霹靂絃聲聞高下
笑喧譁壤歌亭外山如畫
朝來致有西山爽氣不羨日

夕佳

壽李夫人六首

眼明欣見太平人
環佩香潤洞裏瑤華自高韻
八千春裊煙已報長生信
一盃更買麻姑蒼海安坐看
揚塵

謝林高韻本蕭然
百歲春風面白髮
見孫羨康健誥
鸞鮮彩雲扶下長生殿
鄉閭盛說一家榮
養初不羨
魚軒

南枝消息小春初
香滿開庭戶
見說仙家舊風度
壽星圖瑞光浮動雲衢
婺綫開處散花傳
綫彩袖不曾扶

小園不惜買花錢
粧點蟠桃燕
傳語風光莫流轉
百

來年人生幾度春風面細思誰侶君家阿媽康健地
行仙
牙牙長憶點粧紅曾得含飴弄此日筵前一杯捧白
頭翁紫蕭吹斷繁華夢百年留在故都瓊樹依舊動
春風
慈親康健說誰家李氏人難亞銷鳳筵中見多暇醉
簪花肩輿勝侶宮門畫從今看取君家餘慶門戶爛
生華

壽府僚

錦貂千騎朔方豪瀚海淵波浩畫戟清香看傾倒醉
仙桃秋光雖晚人難老煙花紫禁玉魚金帶新寵照
朝袍

九

辛卯九月二十五日夜解衣欲睡適有飲
興顧樽湛餘醪燈綴玉虫而樂之然酒味
頗酷乃以少蠶漬之浮太白者再覺胃中
浩浩殊酣適也仍以樂府絳桃春歌之
少年鯨吸酒如川甘苦從人勸老大含飴最深戀要
中邊一甜掩盡黃柑醖更憐中有百花風味一笑為
君妍

十

笑分花露出粧奩香軟金盃漱蒲着華池潤吾咽展
眉尖坡仙釀法真堪羨却怜蜜課蜂兒官府辛苦為
誰甜

如夢令 和曲山韻

仕宦須求遭遇不顧已沾泥絮穰穰世間入總被虛
名引去引去引去光景促於朝暮
半世隨波從衆幾被狙翁調弄富貴苦相謾一枕槐
根春夢春夢春夢况復此身無用
友道雨翻雲覆膠漆幾人持久遣興漫題詩客至有
錢沽酒沽酒沽酒徑入醉鄉無有
老境心便多暇束縛塵纒高掛飯飽去尋君閑步閑
吟閑話閑話閑話過眼紛華都罷

柳園辭六

暖煙飄綠楊橋旋結柔圈折細條都把發春閑懊惱
碧波深處一時拋

野溪邊麗人天金縷歌聲碧玉圈解袂不祥隨水去
畫回春色到樽前
問春工二分空流水桃花颺曉風欲送春愁何處去
一環清影到湘東
步春溪喜追陪相與臨流酌一杯說似碧茵羅襪客
遠將愁去莫徘徊
東蘭芳俯銀塘迎致新祥枝舊殃不侶漢臯空解珮
歸時襟袖有餘香
醉留連賞春妍一曲清歌酒十千說與琵琶紅袖客
好將新事曲中傳

樂府合歡曲讀開元遺事去取唐人詩
而為之一名百衲錦因觀任南麓所畫

華清宮圖而作

驛塵紅荔枝風吹斷繁華一夢空玉輦不來宮殿閉
青山依舊御墻中

亂橫戈柰君何扈從人稀北去多塵土已消紅粉艷
荔枝猶到馬嵬坡

歲東巡洛陽城天樂宮中夜徹明不憶李摹偷曲去
酒樓吹笛有新聲

雨霖鈴却歸秦猶是張徽一曲新長記上皇和淚聽
月明南內更無人

憶開元掌中仙入侍深宮二十年長記承天門上燕
百官樓下拾金錢

錦城頭錦江流回望長安帝儘愁那更血魂來夢裏

杜鵑聲在散花樓

驛坡前掩嬋娟恹亂旌旗指望賢無復一生私語事
柘黃袍袖淚潸然

九龍池百花時樂按梁州愛急吹搗手便拈金梳舞
上皇驚笑勃罕兒

信音沉淚沾襟秋雨鈴聲閣道深入到愁來無會處
不關情處也傷心

後庭破子 晚眺臨武堂

綠樹連遠洲青山壓樹頭落日高城望煙霏翠滿樓
木蘭舟波汾一曲春風佳可遊

驀山溪

冰姿綽約翠袖翻清露林下謝夫人依然是故家風
度搔頭玉重雲髻不勝寒繡簾涼月細一點香來
處清標一揜脉脉秋如許無語對西風恍當年六朝
瓊樹幽窻深鎖莫厭惜娉婷瑤臺路藐姑仙恐跨青
鸞去

鵲橋仙

大德辛丑歲八月初四日壽平章相
公夫人

金波秋靜桂欄香重瑞應能罷佳夢錦棚擎出玉麟
兒道釋氏老君親送壽筵增慶朝鞍歸控恰及瑤觴
拜捧平津起舞棣華歌好一醉玻璃春甕

秋澗先生大全文集卷第七十七



秋澗先生大全文集卷第七十八

進承筆事略



臣惴謹言伏以學止虛文在明時而何補士傳民語
恐小道之可觀俯瀝愚衷仰陳瞽頌臣誠惶誠恐叩
頭叩頭恭惟

皇太子殿下溫文海濶

孝敬日暉方


丕承天序之時有歷試諸難之

命事統殆萬幾之廣

君門邈千里之遙雖

獻足以有臨

明足以繼照



仁足以及物
智足以周知復

多識於前言乃益隆於

孝治謹採

儲閣之事要庶幾賈傳之遺規儻賜

乙觀豈勝至幸波泮

少海固不擇於細流

德表華箴竊効持於衆美臣憚今所纂集名曰承華

事略凡廿篇釐為六卷謹奉牋投進冒瀆

嚴威無任激切屏營之至日憚誠惶誠恐叩頭叩頭

謹言

至元十八年十二月

日朝列大夫燕南河

北道提刑按察副使臣正憚進

承華事略序

臣憚嘗讀文王世子賈誼保傳篇二者教養太子之
方盡矣第去古逾遠其典禮有復行於今者又伏念
殿下春秋鼎盛以

天挺英叡之資復有不待學焉而後能者故臣愚慮
敢述其切時近用可舉於今庶有補於來者著而為
篇然事有先後必循序而進竊謂孝者德之本也唯
天子之孝以寧親敷教為大故首之以廣孝愛者孝
所生也惟孝友於兄弟故繼之以立愛孝愛既立亟
當正者國之本也故繼之以端本本雖端非學無以
成其德故繼之以進學學不無異端之害故以擇術

謹習次之教尊德成必取正於官非聽政無以驗諸
用非達聰無以周其知故方其聽政即以達聰繼之
國政之外兵戎為重故以撫軍次之軍國事殷舉措
之間恐涉僭悞故以明分次之文武並用長久之術
故繼之曰崇文尚文之實親賢為本然不可不辨其
邪正故親賢後繼之曰去邪正人之言無匪弘益故
繼之曰納誨雖聖人不能無過諫而能改善莫大焉
故先以親之幾諫次以己之從諫思互為儆省爾至
若仁民愛物非德澤何以加故預之以推恩德加於
民而儉約逸豫居上者无所當尚戒天下之事無大
小官得人則治故以審官終之自廣孝至審官凡二
十篇釐為六卷篇有圖碑見古人當時事蹟之偉後

有說以致愚慮循序近用之義且易於按觀焉題之
曰
承華事略臣不自揆涓埃之微何足以益崇深之
海嶽猥以惓惓愚誠庶千慮一得或可仰裨
儲闡萬分之一蓋臣素願也臣王惲謹序

承華事略目錄

第一卷

廣孝

立愛

端本

第二卷

進學

擇術

謹習

第三卷

聽政

達聰

撫軍

明分

第四卷

崇儒

親賢

去邪

納誨

第五卷

臺灣國家圖書館, NATIONAL CENTRAL LIBRARY, TAIWAN, R.O.C.

幾諫

從諫

推恩

第六卷

尚儉

戒逸

審官

承華事略卷第一

廣孝

禮記文王世子篇曰文王之為世子朝於王季日三
 鷄初鳴而至於寢門外問內臣曰今日安否內臣曰
 安文王乃喜及日中又至亦如之及莫又至亦如之
 食上必在視寒暖之節食下問所膳命膳宰曰未有
 原未無也原再進也無令使先應曰諾然後退武王帥
 而行之不敢有加

唐玄宗開元二年宴京師侍老於內殿八十至九十
 者版授賜爵及几杖粟帛有差給一子侍婦人亦如
 之其孝子順孫終身勿事征防兵父母年七十者遣
 還民天寶十三載詔天下家藏孝經

臣憚伏聞

殿下天粹元良日隆純孝其問安視膳於
西宮之間與古契者多矣然於

君父之孝復有當廣之者如承顏順志俾

聖躬寧於上庶事康於下乃臣子孝敬之至故揚

子孝至篇云孝莫大於寧神

謂尊祖考安神靈也

寧神莫大

於寧親終於四表之懽心如唐之賜爵給帛孝子

勿事征防親年及者還民又詔天下家藏孝經有

三王四代養老之遺風焉豈非德加百姓四表之

懽心者乎惟

殿下詳覽益廣至德

立愛

書伊訓曰今王嗣厥德罔不在初立愛惟親立敬惟

長始于家邦終于四海

後漢和帝為太子時特親愛兄清河王慶入則共室

出則同輿及即位待慶尤渥慶或時不安帝朝夕問

訊進膳所以垂意甚備

唐睿宗諸子傳曰玄宗為太子嘗製大衾長枕將與

諸王共之睿宗知喜甚及先天後盡以隆慶舊邸為

興慶宮天子於宮西南置樓其西曰花萼相輝之樓

南日勤政務本之樓帝時時登之聞諸王作樂必亟

召外樓與同榻坐或就幸第賦詩燕嬉賜金帛侑歡

世謂天子友悌古無有者時有鸛鴒千數集麟德殿

廷樹翔棲浹日長史魏光乘作頌以為天子友悌之

祥

臣憚切惟父子存乎天性兄弟謂之彞倫友愛親睦人心之良德也孔子曰惟孝友于兄弟施於有政茲蓋言常人以一身齊治尚悌於兄長故能施

政事矧國之

儲貳家有四海者歟異時將以立愛立敬睦九族建宗親使維藩維城之勢屏翰王室措天下於磐石之安不以友愛為本可乎故伊尹於太甲嗣位之初不違它務首以愛敬為訓太甲竟能誨過思庸言思念也復為殷之嗣君唐明皇以一念深至致開元雍熙之化茲非前世之明效歟

端本

尚書太甲下伊尹訓太甲曰一人元良萬邦以貞

唐燕王忠傳許敬宗曰本正則萬事治太子者國之本也

魏元忠傳袁楚客曰夫安天下者先正其本本正則天下固國之興衰係焉

臣憚謹按孟軻氏曰天下之本在國國之本在家家之本在身人君者天下之表則故以一身為天下之本

太子者國之儲副天命所係屬人心所歸問是本正則國正國正則百官正百官正則遠邇莫敢不一於正故伊尹之訓太甲正謂此也且政者正也以正而正不正者也今

殿下方開物成務作貞萬邦思取法於正者非一
而端本澄源其可後哉

承華事略卷第一

承華事略卷第二

進學

昔殷高宗為王子時問學于甘盤及厥德罔顯得傳
說而告之曰爾惟訓于朕志說曰王人求多聞時惟
建事學于古訓乃有獲事不師古以克永世匪說攸
聞又曰念終始典于學厥德脩罔覺高宗承說之教
至四海咸仰其德

漢顯宗立為皇子師事博士桓榮學通尚書令榮正
宿宮中積五年榮上疏云太子以聰叡之姿明達經
義觀覽古今儲君副主莫能專精博學若此者也斯
誠國家福祐天下幸甚

臣憚觀自古人君雖秉聰敏叡哲之資必由學以

成其德者蓋所以寃聖政明新之理以正其心術
通古今治亂之源以增其智慮使聖益聖明益明
雖比隆唐虞無難且如射弓學書一藝也非習焉
尚不能造其妙况治國平天下之道哉故傳說告
高宗使終始常在干學既無間斷則德之所修有
不期然而然者此之謂也伏聞
殿下屢召儒臣講肄經史進進不已非惟緝熙光
明抑以仰副
聖上訓學之意為國福祐豈不偉哉

擇術

晉元帝立子紀為太子帝好刑名家以韓非子賜太
子庾亮諫曰申韓刻薄傷化不足留聖心太子納之

太子是為
晉明帝

臣憚按申韓之學非惟刻薄而已且導人君以驕
淫放恣李斯嘗以誤二世矣豈可以教
儲貳者邪庾亮雖清談之徒然斯言則有益於世
故取焉

謹習

漢景帝太子徹聰明有智術好詩書善史隸時竇太
后尚黃老言今太子諸王通讀之太子獨能解其意
而心弗好也每還宮取儒書名法之術習讀之及初
立即能表章六經罷黜百家舉用俊茂與之立功至
號令文章煥焉可述
元帝贊曰元帝多材藝善史書鼓琴瑟吹洞簫自度

曲被歌聲分州節度窮極幼眇及即位牽制文義優游不斷孝宣之業衰焉

臣憚謹按保傅篇陳教太子首以所習為言蓋謂性相近習相遠也且常人所習或違遠善性猶云不可况生長深宮極於富貴者可不慎歟如武帝之黜百家尚儒術尊先王之道知所統守容受直言好賢不倦正由謹其所習於初故也逮其孫孝元習音曲為樂至牽制優游不果於斷二君之用心賢否可不鑒哉然仁孝禮義詩書射御乃所習之正也今

殿下仁孝恭謹聞於中外在移養嗣德之初能所習皆正無一念不謹臣知雖放心快已之事日陳於前不能奪已成之習已定之心矣如此其於守成持盈何有

承華事略卷第二

陳華事略卷第三

聽政

元魏太武帝燾少聰明太度既立為太子明元帝詔臨朝為國副主以長孫嵩宿德舊臣立事四世功存社稷奚斤辯捷智謀名聞遐邇安同曉解俗情明練於事為左輔坐東廂西面以崔浩博聞強識精察天文穆觀達政要識吾旨趣丘堆在公專謹為右弼坐西廂東面百官揔已以聽帝時隱而窺之聽其大悅謂侍臣曰以此六人輔相太子吾與汝曹巡行四境伐叛柔服足以得志於天下矣羣臣時奏祈疑帝曰當決之汝曹國主也

臣憚觀歷代明君皆令

儲貳監國政者正欲移養君體厭服臣下審明治道熟知民事為務猶

聖上今日之付

殿下豈特使經理機務習熟節目者哉然政之紀綱不過審慎官爵勤恤民隱明信賞罰至公無私而已所謂審官慎賢使能與我圖治也所謂恤民輕徭薄賦以厚民生也所謂明信賞罰使功罪允當聞者悅服也誠能如此雖堯舜之治不是過也

惟

殿下留神省察

達聰

唐太宗問魏徵為君何道而明何失而闇徵曰君所

以明兼聽也所以闇偏信也堯舜氏闢四門明四目

達四聰

闢四門者闢四方之門廣致衆賢明四目達四聰者謂廣我視聽於四方使天下無壅

也雖有其餘不能塞也靜言庸違不能惑也故曰君

能兼聽則姦人不得壅蔽而下情通矣

臣憚謹按尚書舜典曰闢四門明四目達四聰蓋人君居九重之深所聞所見者不過左右前後之事此舜之所以達聰也故遠聽於忠良者則聞所未聞偏聽於左右者則事多欺蔽伏惟

殿下方毓德春宮重光華夏於圖治有為之初達聰廣聽似為急務又傳曰審所以聽言受事則下不欺蔽矣如中統元年許諸人陳言亦達聰之一端也

撫軍

春秋閔公二年左氏傳曰晉侯使太子申生伐東山
臯落氏里克諫曰太子奉冢祀社稷粢盛以朝夕視
君膳者也故曰冢子君行則守有守則從從曰撫軍
守曰監國古之制也

西漢高帝紀帝征淮南王布乃發上郡隴西車騎巴
蜀材官及中衛卒三萬人令太子監撫關中
唐順宗為皇太子德宗幸奉天太子嘗親執弓矢率
軍後先導衛及戒嚴朝夕巡城傳宣撫慰督勵戰士
故感激奮發氣益百倍

臣憚切見

聖上往年詔

殿下領樞密院事正古昔撫軍制也每歲
車駕巡幸兩都以萬乘之富六軍之衆如大獵以
軍律驅馳宿衛按羽林環布

殿下躬行扈從所當齊整軍容撫慰將士使遠忘
跋涉之勞日聞歌舞之樂

天仗所臨宵嚴晝肅致

驚輅清寧省方之外無他

軫慮誠臣子起居之大節也至於樞府軍務比之
先日尤宜仰留

睿筭迺天下安不忘武備之義也

明分

西漢成帝紀曰帝為太子寬博謹審初居桂宮上嘗